


樂府補題



樂府補題

樂
府
補
題

撰人不詳

中
華
書
局

叢書集成初編

樂府補題

中華書局出版發行

(北京王府井大街三十六號)

秦皇島市資料印刷廠印刷
一九八五年北京新一版
開本：七八七乘一〇九二毫米三十二分之一
統一書號：一七〇一八·一五一

樂府補題

此據知不足齋叢
書本排印初編各
叢書僅有此本

樂府補題

天香

宛委山房擬賦龍涎香

玉筍王 沂孫 聖與

孤嶠蟠烟。層濤蛻月。驪宮夜探一作鉛水汛逝一作遠。槎風夢深。薇露化
作斷魂心字。紅蕚候火。還乍識、冰環玉指。一縷縈簾翠影。依稀海山
雲氣。幾回殢嬌半醉。翦春燈、夜寒花碎。更好故溪飛雪。小窗深閉。
荀令如今頓老。總忘却、尊前舊風味。謾惜餘薰。空篝素被。

蘋洲周 密 公謹

碧腦浮冰。紅薇染露。驪宮玉唾誰擣。麝月雙心。鳳雲百和。寶玦珮環
爭巧。濃薰淺炷。疑醉度、千花春曉。金餅著衣餘潤。銀葉透簾微裊。

素被瓊篝夜悄。酒初醒、翠屏深杳。一作綺一縷舊情。空趁斷烟飛繞。羅袖餘馨漸少。悵朱閣、淒涼夢難到。誰念韓郎。清愁漸老。

天柱王 易簡 理得

烟嶠收痕。雲沙擁沫。孤槎萬里春聚。蠟杵冰塵。水研花片。帶得海山風露。纖痕透曉。銀鏤小。初浮一縷。重翦紗窗暗燭。深垂繡簾微雨。餘馨惱人最苦。染羅衣。少年情緒。謾省珮珠曾解。蕙羞蘭妒。好是芳釵翠嫵。恨素被、濃薰夢無據。待翦秋雲。殷勤寄與。

友竹馮 應瑞 祥父

枯石流痕。殘沙擁沫。驪宮夜蟄驚起。海市收時。鮫人分處。誤入衆芳叢裏。春霖未就。都化作、淒涼雲氣。惟有清寒一點。消磨小窗殘醉。當年翠篝素被。拂餘薰。倦懷如水。謾惜舞紅猶在。爲誰重試。幾片金昏字古。向故篋、聊將伴憔悴。□□□□□□□□□□

瑤翠唐 藝孫 英發

螺甲磨星。犀株杵月。凝英嫩壓拖水。海蜃樓高。仙娥細小。縹緲結成
心字。麝煤候暖。載一朵。輕雲不起。銀葉初長。薄暈金猊。旋翻纖指。
芳杯惱人漸醉。碾微馨。鳳團閒試。滿架舞紅都換。懶收珠珮。幾片菱
花鏡裏。更摘索。雙鬟伴秋睡。早是新涼。重薰翠被。

紫雲呂 同老 和甫

冰片鎔肌。水沉換骨。蜿蜒夢斷瑤一作島。翦碎腥雲。杵勻枯沫。妙手
製成翻巧。金篝候火。無似有。微薰初好。簾影垂風不動。屏深護春宜
小。殘梅舞紅褪了。珮珠寒。滿懷清峭。幾度酒餘重省。舊愁多少。荀
令風流未減。怎奈向。飄零賦情老。待寄相思。仙山路杳。

質房李 彭老 商隱

搗麝成塵。薰被注露。風酣百和花氣。品重雲形。一作葉翻蕉樣。共說

內家新製波浮海沫。誰喚覺、鰲人春睡。清潤俱饒片腦。芬馥一作半
是沉水。相逢酒邊雨外。火初溫、翠爐烟細。不似寶珠金縷。領巾紅
墜。荀令如今憔悴。消未盡、當時愛香意。燼煖燈寒。秋聲素被。

五松李 居仁 師呂

瀛嶠浮烟。滄波挂月。潛虬睡起清曉。萬里槎程。一番花信。付與露薇
冰腦。纖雲漸暖。凝翠席、氤氳不了。銀葉重調火活。珠簾日垂風悄。
螺屏酒醒夢好。繡羅幃、依舊痕少。幾度試拈心字。暗驚芳抱。隱約仙
舟一作路杳。謾珮影玲瓏。護嬌小。素手金篝。春情未老。

水龍吟

浮翠山房擬賦白蓮

蘋洲周 密 公謹

素鸞飛下青冥。舞衣半惹涼雲碎。藍田種玉。綠房迎曉。一奩秋意。擎

露盤深。憶君清夜。暗傾鉛水。想鴛鴦正結。梨雲好夢。西風冷。還驚起。
應是飛瓊仙會。倚涼颿。碧簪斜墜。輕妝闌目。一作白。明璫照影。紅衣
羞避。霽月三更。粉雲千點。靜香十里。聽湘絃奏徹。冰綃偷翦。聚相思
淚。

天柱王 易簡 理得

翠裳微護冰肌。夜深暗泣。瑤臺露。芳容淡泞。風神蕭散。淩波晚步。西
子殘妝。環兒初起。未須勻注。看明璫素襪。相逢憔悴。當應被。西一作蕭
風誤。十里雲愁雪妬。抱淒涼。盼嬌無語。當時姊妹。朱顏褪酒。紅衣
按舞。別浦重尋。舊盟唯有。一行鷗鷺。伴玉顏月曉。盈盈冷豔。洗人間
暑。

宛委陳 恕可 行之

素姬初宴。瑤池。珮環誤落雲深處。分香華井。洗妝湘渚。天姿淡泞。碧

蓋吹涼。玉冠迎曉。盈盈笑語。記當時乍識。江明夜靜。一作淨只愁被嬋娟誤。幾點沙邊飛鷺。舊盟寒。遠迷烟雨。相思未盡。纖羅曳水。清鉛泣露。玉鏡臺空。銀瓶綆絕。斷魂何許。待今宵試探。一作採中流一葉。共淩波去。

菊山唐 珏 玉潛

淡妝人更嬋娟。曉奩淨洗鉛華膩。泠泠月色。蕭蕭風度。嬌紅斂避。太液池空。霓裳舞倦。不堪重記。歎冰魂猶在。翠輿難駐。玉簪爲誰輕墜。別有淩空一葉。泛清寒、素波千里。珠房淚溼。明璫恨遠。舊遊夢裏。羽扇生秋。瑤樓不夜。尙遺仙意。奈香雲易散。綃衣半脫。露涼如水。

紫雲呂 同老 和甫

素肌不汙天眞。曉來玉立瑤池裏。亭亭翠蓋。盈盈素靨。時妝淨洗。太液波翻。霓裳舞罷。斷魂流水。甚依然舊日。濃香淡粉。花不似。人憔悴。

欲喚凌波仙子△，泛扁舟、浩波千里△。只愁回首，冰簾一作半掩，明璫亂墜△。月影淒迷，露華零落，小闌誰倚△。共芳盟猶有，雙棲雪鷺，夜寒驚起。

月洲趙 汝鈞 眞卿

露華洗盡凡妝，玉妃來侍瑤池宴△。風裳水珮，冰肌雪豔，清涼不汗△。解語情多，凌波步穩，酒容易消△。散△想溫泉浴罷，天然眞態，渾疑是、宮妝淺△。暗想一作憶淒愁別岸△。粉痕消、香腮凝汗△。雪空冰冷，此情唯許，鷺知鷗見△。羽扇微搖，翠帷低擁，清涼庭院△。待夜深、月上闌干，更邀取、姮娥伴△。

玉筍王 沂孫 聖與

淡妝不掃蛾眉，爲誰時立羞明鏡△。眞妃解語，西施淨洗，娉婷顧影△。薄露初勻，纖塵不染，移根玉井△。想飄然一葉，颼颼短髮，中流臥、浮烟艇△。

可惜瑤臺路。抱淒涼、月中誰一作難認。相逢還是冰壺浴罷。牙牀酒醒。步襪空留。羽衣微褪。粉殘香冷。望海山依約。時時夢想。素波千頃。

五松李 居仁 師呂

藥仙羣擁宸遊。素肌似怯波心冷。霜裳縞夜。冰壺凝露。紅塵洗盡。弄玉輕盈。飛瓊綽約。淡妝臨鏡。更多情一片。碧雲不掩。籠嬌面。回清影。菱唱數聲乍聽。載名娃。藕絲縈艇。雪鷗沙鷺。夜來同夢。曉風吹醒。酒暈全銷。粉痕微漬。色明香瑩。問此花盍貯瑤池。應未許繁紅並。

玉田張 炎 叔夏

仙人掌上芙蓉。娟娟猶溼一作憂。金盤露。淡妝照水。纖裳立玉。無言一作飄似一作白舞。幾度銷凝。滿湖烟月。一汀鷗鷺。記小舟清夜。一作夜波明香遠。渾不見。花開處。應是浣紗人妬。褪紅衣。被誰輕誤。閒情淡

雅。冶容清潤。憑嬌待語。△隔浦相逢。偶然傾蓋。似傳心素。怕湘皋珮解。
綠雲十里。捲西風去。△
別本後闕云。應是浣紗人妒。△褪紅衣。被誰輕悞。△六郎意態。何郎標格。冷然意趣。△待折瓊芳。楚江難涉。設搖心素。△怕幽

娥佩解。綠雲十里。捲西風去。△

玉筍王 沂孫 聖與

翠雲遙擁環妃。夜深按徹霓裳舞。鉛華淨洗。娟娟出浴。盈盈解語。太
液荒寒。海山依約。斷魂何許。甚人間別有。冰肌雪豔。嬌無那。頻相顧。
三十六陂烟雨。甚淒涼。向誰一作有誰。堪訴。如今謾說。仙姿自潔。
芳心更苦。△羅襪初停。玉璫還解。早淩波去。△試乘風一葉。重來月底。與
脩花譜。△

摸魚兒

紫雲山房擬賦萼

天柱王 易簡 理得

怪鮫宮、水晶簾捲。冰痕初斷香縷。澄波蕩槳人初到。三十六陂烟雨。
春又去。伴點點荷錢、隱約吳中路。相思日暮。恨洛浦娉婷、芳鈿翠翦。
奩影照淒楚。功名夢、消得西風一度。高人今在何許。鱸香菰冷斜
陽裏。多少天涯意緒。誰記取。但枯豉紅鹽。溜玉凝秋筍。尊前起舞。算
唯有淵明、黃花歲晚。此興共千古。

佚名

過湘皋。碧龍驚起。冰涎猶護髻影。春洲未有菱歌伴。獨占暮烟千頃。
呼短艇。試翦取、纖條玉溜青絲瑩。尊前細認。似水面新荷。波心半掩。
點點翠鈿淨。淒涼味、酪乳那堪比並。吳鹽一筍秋冷。當時不爲鱸
魚去。聊爾動一作勤渠歸興。還記省。是幾度西風。幾度吹愁醒。鷗昏鷺
暝。謾換得霜痕。蕭蕭兩鬢。羞與共秋鏡。

菊山唐 珏 玉潛

漸滄浪、凍痕銷盡。瓊絲初漾明鏡。鮫人夜翦龍髯滑。織就水晶簾冷。
鳬葉淨。最好似、嫩荷半捲浮晴影。玉流翠凝。早枯豉融香。紅鹽和雪。
醉齒嚼清瑩。功名夢。曾被秋風喚醒。故人應動高興。悠然世味渾
如水。千里舊懷誰省。空對景。奈回首、姑蘇臺畔愁波暝。烟寒夜靜。但
只有芳洲蘋花共。一作與老。何日泛歸艇。

玉筍王 沂孫 聖與

玉簾寒、翠絲微斷。浮空清影零碎。碧芽也抱春洲怨。雙捲小絨芳字。
還又似、繫羅帶。相思幾點青鈿綴。吳中舊事。悵酪乳爭奇。鱸魚設好。
誰與共秋醉。江湖興。昨夜西風又起。年年輕誤歸計。如今不怕歸
無準。却怕故人千里。何況是、正落日垂虹。怎賦登臨意。滄浪夢裏。縱
一舸重遊。孤懷暗老。餘恨渺烟水。

過垂虹、四橋飛雨。沙痕初漲春水。腥波十里吳歛遠。綠蔓半縈船尾。
連復碎。愛滑卷青綃。香裊冰絲細。山人雋味。笑杜老無情。香羹碧澗。
空祇賦芹美。歸期早。誰似李鷹高致。鱸魚相伴菰米。紅塵如海邱
園夢。一葉又秋風起。湘湖外。看采擷芳條。際曉隨魚市。舊遊謾記。但
望裏江南。秦鬢賀鏡。渺渺隔烟翠。

齊天樂

餘閒書院擬賦蟬

紫雲呂 同老 和甫

綠陰初蔽林塘路。淒淒乍流清韻。倦咽高槐。驚嘶別柳。還憶當時曾
聽。西窗夢醒。歎絃絕重調。珥空難整。綽約冰綃。夜深誰念露華冷。
不知身世易老。一聲聲斷續。頻報秋信。墜葉山明。疎枝月小。惆悵齊
姬薄倖。餘音未盡。早枯翼飛仙。暗嗟殘景。見洗冰奩。怕翻雙翠鬢。